

Pola Epesusnandmo tiratna timbiŋ rapar Outna kam

Na gan timbiŋ raparna miniŋ gaind, Raraŋ Aetaniaca reikmo muruŋcamiŋmo Karaisna kaŋgaukca puninande, na anna gan tiacarpaiknanapa tamuŋna auŋnan. Te, Karaisa ma an reik muruŋcamiŋna paŋan ndeacnandet. Na u gan timbiŋ raparna sapta 1 wes 10na inikca wat. Na Raraŋ Aetaniaca ma ndo ŋgoinna meikramtaira moa ŋgepca, mina Karaisap gidikca miŋkca iro kabea eacnan.

Na gan timbiŋ raparna outna kamb tiŋmo, Pola Raraŋ Aetaniacna kadmaina kamb wit anikca mboprina, na anna meikramtairmo muruŋa moi mina Karaisa riŋpaca, mina tumbunna tiŋkca wiwit kabe ndarurina. Na Iesusna aiŋ mbuŋ tik, Raraŋ Aetaniaca meikramtairmo mac nda aŋgirina. Na ma minmo Ŋeronŋ Ratta neaŋrina, na anna mana ŋgagatrac, ma minmo baburinanna reik laiŋga monandet. Na u gan timbiŋ raparna sapta 1 wes 14na inikca wat, ma an ndeacrenan. Na anna iŋmbaina timbiŋ raparna kamb tiŋpca ma gaindoprinan, Iesusa riŋpacrena laiplacara Karaisap miŋk te, mina iroar inkara kabe ŋgoinna moca, mina Raraŋ Aetaniacna tiŋpemb kirarira raŋgairanande.

Na gan timbiŋ rapar mbuŋa Pola kamb rour puŋga meikramtairmo mataua wandacrina, mina Karaisap miŋkrinan, na mina meikramtairta

wiwit kabea ndarurina. Na ma gaindoprina, Raraŋ Aetaniacna meikramtair, mina tik umbum kabe, na Karaisa ma an tik umbumna paŋan. Na u gan timbiŋ raparna sapta 4 wes 1 taŋca wes 16na inikca wat, ma an ndeacrena. Na Raraŋ Aetaniacna meikramtaira kac ianna kirar toc, na Karaisa ma an kacna wit. Na u gan timbiŋ raparna sapta 2 wes 19 taŋca wes 22na inikca wat, ma anna eacrena. Na Raraŋ Aetaniacna meikramtaira mina meac ianna kirar toc, na Karaisa ma an meacna kaŋgaitna kirar toc. Na u gan timbiŋ raparna sapta 5 wes 22 taŋca wes 32na inikca wat te, ma an ndeacrena. Na gan timbiŋ rapar mbuŋa aia matau ŋgoinna watrena, an reik laiŋga Raraŋ Aetaniaca ndona meikramtairmo monande.

Karais mbuŋ tik Raraŋ Aetaniaca aimo moca aia meikramtair ŋgaib ndarurina

(1—3)

¹ Aku Pol, aku Karais Iesusna up aŋgirena ramoot. Na Raraŋ Aetaniaca ma ndona toŋtoŋ mbuŋa aukmo larapacatna, na aku mana up aŋgirena ramootta larurina. Na ne Raraŋ Aetaniacna meikramtaira Epesus auŋ aniaca eacrenan, ne Karais Iesusmo matau ŋgoinna riŋpacrenanmo, aku gan timbiŋ rapara tirca neaŋga makipek.

1:1 Up 18.19-21, na 19.1, na Ro 1.1, na 1.7, na 1 Ko 1.1, na Kol 1.1

² Na aina Aet Raraŋ Aetaniacapa Kacoot Iesus Karaisa, nenmo kadmaica nena iroar inkarmo moi wewettaca laŋ ndeacnandet.

Karais mbuŋ tik Raraŋ Aetaniaca aimo tamuŋna auŋna reik laiŋga muruŋa neaŋrina

³ Aintik aia Raraŋ Aetaniacna imo aŋgi ŋgepraŋ, na ma Raraŋ Aetaniac, na ma aina Kacoot Iesus Karaisna Aet. Na Karais mbuŋ tik, ma aina ŋerŋgaurmo otacna moca, ma aimo tamuŋna auŋna reik laiŋ laiŋga, muruŋcamiŋa neaŋrinan.

⁴ Na atu ŋgoinna Raraŋ Aetaniaca gan tiacarpaikca mo ŋgocor ndeacri, ma aimo larapaca aia Karaisap mikrenan, te, aia rat ndeacnandet, na aia meikramtair wandoik laiŋ ndeaca, mana lamniac ŋgoutta mitkar kocor.

⁵ Na atu ŋgoinna ma aimo mamatŋi ŋgoinap tik, ma aimo larapacatna, na aimo mac nda aŋgina aiŋa Iesus Karaisa morinan mbuŋa aia mana mombonik tarunande. Na mana iro toŋtoŋ mbuŋa Raraŋ Aetaniaca ainda moatna.

⁶ Na an mooŋnuoca ma matŋirinan ŋgoinna i mbuŋ tik, Raraŋ Aetaniaca ma aimo kakadmai ŋgoin. Aintik aia mana kakadmai aniacna lamŋina moca, aia Raraŋ Aetaniacna i aniacmo aŋgi ŋgepraŋ.

⁷ Na Raraŋ Aetaniacna kakadmaica minna

1:2 2 Ko 1.2, na Gal 1.3, na Kol 1.2, na Ta 1.4 **1:3** Epe 2.6

1:4 In 15.16, na 17.24, na Ro 8.28, na Epe 5.27, na Kol 1.22, na 2 Te 2.13, na 2 Ti 1.9, na Ie 2.5, na 1 Pi 2.20 **1:5** In 1.12, na Ro 8.29-30, na 2 Ko 6.18, na Gal 4.5 **1:6** Mt 3.17, na In 3.35, na Ro 3.24, na 5.15, na Kol 1.13 **1:7** Up 20.28, na Epe 2.7, na Kol 1.14, na 1.20, na Ib 9.12, na 1 Pi 1.18-19

tikri. Na Karaisa menacatke, aimo mac nda oikri, na mana racaindpaik mbuᅇa Raraᅇ Aetaniaca aina tipemb ᅇgorikta makukarmo muruᅇcamiᅇa moa kecamariri.

⁸ Na ma ndona kakadmai aniacmo, aimo muruᅇcamiᅇa neaᅇgatna, ri, ma aimo kaina iroar lainᅇpa landamᅇiar lainᅇmo ma aimo neaᅇrinan.

⁹ Na atua Raraᅇ Aetaniaca ma Karaisna aiᅇ mbuᅇa mona reaca ma lamᅇica eacrena. Ainda moca mana an iroa ma iᅇgoroca eacrena, na mandeaca ma aimo an iromo wandacrina.

¹⁰ Na an reaca ma monanna anna gaind, ma an reacmo tiᅇara moca taᅇ, taᅇi, ma ndo larapacatna ra laru te, ma gan tiacarpaikapa tamuᅇna auᅇna reikmo Karaisna kaᅇgaukca puninandet. Te, Karaisa an reikmo muruᅇcamiᅇa ma anna paᅇanna witikca eacnandet.

¹¹ Na Raraᅇ Aetaniac, ma ndona tonᅇtonᅇpa mana iroa raᅇgairenan, na ma reikmo muruᅇcamiᅇa moca larurena. Na Karais mbuᅇ tik, ma atua aimo Iudanandmo larapaca aia manap miᅇca mana wiwitna meikramtaᅇr koind tarurinan.

¹² Na aia Iudana wiwitnanna, aia out ᅇgoinna Karaisa riᅇpaca mana lambirena. Aintik aia Raraᅇ Aetaniacna i aniacmo memetmbaca aᅇᅇi ᅇgepraᅇnandet.

¹³ Na ne toco Iudana meikramtaᅇr wanaiᅇmo,

1:9 Ro 16.25, na Epe 3.4, na 3.9-11, na Kol 1.26, na 2 Ti 1.9 **1:10** 1 Ko 3.22-23, na Gal 4.4, na Pil 2.9-10, na Kol 1.16, na 1.20, na Ib 1.2, na 1 Pi 1.20 **1:11** Ro 8.17, na 8.28-29, na Kol 1.12, na Ta 3.7, na Ie 2.5, na 1 Pi 1.4 **1:13** 2 Ko 1.22, na 6.7, na Epe 4.30, na Kol 1.4-6

ne toco kam gidikmo waracrina. Na anna an kam wembanj laŋa, Raraŋ Aetaniaca nenmo mac nda anġirinan. Aintik ne Karaismo riŋacrina. Aında moca ne Karaisap mikrina, na ma baburina Neronj Ratta, ma anna ranġaica nenmo neanrina. Na an ŋgagatraca nenmo wandacrina, ne mana wiwitna meikramtair koind.

¹⁴ Aında moca aia lamnjirinan, aia Neronj Ratmo anġirina. Na inmbaia ai toco kabena reik laingja, muruŋcamiŋa Raraŋ Aetaniaca ndona meikramtairmo babuca nean ndoprinanna, aia anġinandet. Na aia an reik anġina lambirenan, na an minna Raraŋ Aetaniaca aimo mac nda oik te, aia mana mombonik toc ndarunandet. Te, an aijnir gagararca ma morinanna, aia an ndamnjica mana i aniacmo anġi ŋgepnandet.

Pola ma Raraŋ Aetaniacmo mbendeica ma Epesusnanmo iro landamnjiar laiŋ neanja

¹⁵ Na aku waracrina kamma ne Kacoot Iesusmo matau ŋgoinna riŋacrena, aında moca ne ndorita mamatnjimo, Raraŋ Aetaniacna meikramtairmo muruŋcamiŋa neanrena.

¹⁶ Na memetmbaca aku mbendeirenanna, memetmbaca aku nenmo lamnjirenan, na aku Raraŋ Aetaniacmo kam laŋ neanrena.

¹⁷ Aında moca aku aina Raraŋ Aetaniacmo mbendeirenana, na ma aina Kacoot Iesus Karaisna Raraŋ Aetaniac. Na ma Aet aniac, na ma gargarapa memetacna tac aniacap eacrenan. Na aku mbendeica mana kamna minja lamnjina

1:14 Lk 21.28, na Ro 8.23, na 2 Ko 1.22, na 1 Pi 2.9 **1:15** Kol 1.4
1:16 Pil 1.3-4, na Kol 1.3, na 1 Te 1.2 **1:17** Kol 1.9

mori, ma nemo iroar laiŋga neaŋnandet. Te, ne manmo matau ŋgoinna lamŋiraŋnandet.

¹⁸ Na aku tonŋorinanna, ma nena iroarmo tiŋar laiŋga mo, te, ne matau lamŋina, an reikca ma nenmo garacrinanna, ne aŋŋinandet, na an reikta moca ne anna lambica eacrenan. Ainda moca ne an reik laiŋ laiŋta ndamŋina, na an reikca Raraŋ Aetaniaca morinanna, anna aia mana meikramtairtan.

¹⁹ Te, ne gaird ndamŋinandet, an mana gargara ma memetmbaca aia manmo ripacrena meikramtairmo otacrenan, na anna bagaraniac ŋgoin. Na mana gargara aia ŋganŋgina minna wanaiŋ. Na mana an gargar aniaca aimo aiŋa morenan.

²⁰ Na ma ndo ŋgaur Karaisap aiŋa morinan. Na Raraŋ Aetaniacna gargar mbuŋa Karaisa menacrinanna, ma manmo moa macnda ŋgeprinan. Ri, manmo tamuŋna auŋa aŋŋica taŋga ma mana par umbaiia mbiracatna.

²¹ Ainda moca Karaisa ma titocna ŋerŋgaurapa, ramtair paŋjaindapa, gan tiacarpaikna ramtair paŋjaindapa, an gargarapna reikap, ma minmo muruŋcamiŋmo tamuŋ ŋgoin ndeacrenan. Na mandeacna minapa, iŋmbaiap, an ramtair mina irembapnanmo, ma minmo tamuŋ ŋgoinna eacraŋnandet.

²² Ainda moca Raraŋ Aetaniaca reikmo

1:18 Up 26.18, na Epe 2.12, na 4.4, na Kol 1.12 **1:19** Epe 3.7, na Kol 1.11, na 1.29, na 2.12 **1:20** Ŋap 110.1, na 2 Ko 13.4, na Kol 1.16, na 2.10-12, na 3.1, na Ib 1.3 **1:21** Ro 8.38, na Pil 2.9-10, na Kol 2.10, na 2.15, na Ib 1.4 **1:22** Ŋap 8.6, na Mt 28.18, na Kol 1.18, na Ib 2.7 **1:22** Kol 1.18

murunçamiņa Karaisna kançaukca tikrinan, na mana reikmo ma murunçamiņa paņanna witikrinan, na an tipna kirara ma Iesusna ritipaikta meikramtairta tumnambta paņan ndeacrenan.

²³ Na Iesusna ritipaikta meikramtairta tum-buna, anna Karaisna tik. Na ma reikmo mu-ruņçamiņna inikca eacrenan, na ma minmo minna tikrinan. Na mana Iesusna ritipaikta meikramtairta tumnambmo, ma min ņgoinna tikrinan.

2

Aia menacrina meikramtaira Raraņ Aetaniaca aimo moa aia Karaisap iarwara eacnande

¹ Na ņgaua ne ainta mitkara moca ne tipemb ņgorikta makukarap, na anna ndo nenmo moca ne menacrina meikramtair toc ndeacrina.

² Ainda moca an minna ne gan tiacarpaikna tipemb ņgorikca rançaica taņrena. Na ne riac tamuņna ņerņgaur ņgorikta ramoot paņanna tipemb kirarira rançairenan. Na an ņeroņna gargara mandeaca ma meikramtaira Raraņ Aeta-niacna kammo nda ipuņrenanmo, mina nikinik iroar inkarmo aiņa morenan.

³ Na ņgaua aia muruņa an wiwitap eacrinan, na aia ndorita nikinik iroar bagrar ņgorikta toņtongar tiņgikca rançairenan. Na aia an iroar inkar bagrarapa aina toņtongarti iroara

1:23 Ro 12.5, na Epe 4.10, na 4.15, na Kol 2.9, na 3.11 **2:1** Epe 4.18, na Kol 1.21 **2:1** Kol 2.13 **2:2** In 12.31, na Epe 5.6, na 6.12, na Kol 1.21, na 3.6-7, na Ta 3.3 **2:3** Ro 5.12, na Gal 5.16, na Kol 3.6, na Ta 3.3, na 1 Pi 4.3

raŋgairena. Na an minna aia aind ndeacri, an meikramtaira muruŋa an tipemb kirarira morinanna, mana opoik ngoreaca Raraŋ Aetaniaca aŋgi kocrorinanna, aia an aŋgina min ngoin.

⁴⁻⁵ Na anna gidik, aina tipemb ngorikta makukara aimo mo menaca, aia menacrina. Na aia kocnaia menaca eacrena meikramtair toc. Ainda moca Raraŋ Aetaniacna kakadmaina opotaca minna tikca eacri, na ma aimo mamatŋi aniaca neaŋrina. Ri, ma aimo moca aia Karaisap iarwarna eteacna watap eacri. Na anna laŋ, Raraŋ Aetaniacna kakadmaina opotac mbuŋa ma aimo mac nda aŋgirina.

⁶ Ainda moca ma aimo Karais Iesusap moa ngeprinan. Ri, ma aimo moca aia Karaisap mana tamuŋna auŋna gagrirta ramoot paŋanna, mbiracrena taupca aia manap mbiracrinan.

⁷ Na Karais Iesusna aiŋ mbuŋa ma aimo an tip kirar laŋa morenan, ainda moca ma ndona kakadmai bagaraniacmo aia meikramtaira Iesusmo ripacrenanmo, iŋmbaina minmo ma memetmbaca wandacnandet.

⁸ Na ne Karaisa ripacri tik, Raraŋ Aetaniacna kakadmai mbuŋa ma nenmo mac nda aŋgirinan. Na nemo mac nda aŋgirina aiŋa, ne ndori puŋga mba mori, wanaiŋ. Anna ma nenmo wanaiŋa neaŋrina aiŋ.

⁹ Aintik anna nena aiŋa morena opoikca

2:4-5 Lk 15.24, na 15.32, na Up 15.11, na Ro 5.6-10, na 6.4-5, na 6.13, na 10.12, na Epe 1.7, na 2.1, na 2.7, na Kol 2.12-13 **2:6** Epe 1.20, na Kol 2.12 **2:7** Epe 1.7 **2:8** In 4.10, na Ro 4.16, na 10.14-17, na Pil 1.29, na 2 Ti 1.9, na Ib 6.4 **2:9** Ro 3.20, na 3.27, na 4.2, na 1 Ko 1.29-31, na 2 Ti 1.9

wanaiŋ. Ainda moca ramoot ianna ma ndona i anŋi ngepna minna wanaiŋ.

¹⁰ Ainda moca Karais Iesus mbuŋa ma aimo moca, aia meikramtair nŋaib tarurina. Te, aia tip kirar laŋna taupca taŋna, na anna ma nŋgaua ainanmo kocroca aia an mbuŋa taŋnandet.

Iesusa puŋnanŋepca morena tip kirarmo moa kecarica an tumbunniŋmo anŋia kabe mamori

¹¹ Ainda moca ne lamŋirenan, Iudana wiwitna ramtaira mina ndorita pair puŋga ndorita tikemb inirmo katacrena. Na mina nenmo gaindoprena, “Ne tikiŋita mba katacrena ramtair.” Na an kambca mina ndorita tikembca morina tipemb kirarir. Ainda moca ne matau lamŋi, atua ne Iudana meikramtair wanaiŋ ndeacri,

¹² aintik an kidrikca ne Karaismo tawanmbaica eacrina. Na ne Israelna wiwitmo raekmbai ndeacrinan. Na an minna Raraŋ Aetaniaca Israelnanmo kam leaca minmo babuatnanna, ne minmo raekmbai ndeacrena. Na ne gan tiacarpaikca eacri, na ne inmbaia lambina reac laŋ ian nŋgocor. Aintik ne Raraŋ Aetaniacmo lamŋi nŋgocor.

¹³ Ainda moca atua ne tawanmbaica eacrina. Na mandeaca Karaisna racainda nenmo anŋica kipca ne Karais Iesusap mikri, na ne Raraŋ Aetaniacmo rambuŋ nŋgoinna eacrena.

2:10 1 Ko 3.9, na 2 Ko 5.5, na 5.17, na Epe 4.24, na Ta 2.14 **2:11** Ro 2.28-29, na 1 Ko 12.2, na Epe 5.8, na Kol 1.21 **2:12** Ro 9.4, na 9.8, na Gal 4.8, na Epe 4.18, na Kol 1.21, na 1 Te 4.5, na 4.13

2:13 Gal 3.28, na Epe 2.17, na Kol 1.20

¹⁴ Na Karaisa ndo aimo moca aia nikinik iro wetwetta eaca, mbibirac lainga eacrenan. Na ngaua Iudanangepca mina kabena wiwitnanmo puɲnangepca morinan, ainda moca an puɲnangepna tip kirara, ma wuoca moca, Iudanana kabena wiwitna meikramtairmo rikca witikca eacrenan. Na Karaisna tik mbuɲa ma an wuocmo riɲga irikca ma an puɲnangepna tip kirara moca maiatna. Ri, ma an wiwitniɲmo moca manija wiwit kabe malaruat.

¹⁵ Na ma ndona tik umbum mbuɲa ma Tip Wandikapa mana kamb tipembapa wandik tikrena tipembca ma mo kecaririna. Na ma ainda morinanna, ma an wiwitniɲmo aɲgica tumbunna tikca, mina ramoot ngam ian toc ndarunandet. Ri, an tipna kirar mbuɲa ma aimo moca aia nikinik iro kabea eacnandet.

¹⁶ Aintik ma ik nakeraca menacrinanna, ma an wiwitniɲmo aɲgica tumbun kabea tikca, tik kabea moatna. Na an ikna kekerac mbuɲa ma an atuna puɲnangepna tip kirara ma mo menacrinan.

¹⁷ Na ma kipca kam wembaɲ laɲmo gaimda wiwitiatna, “Mandeaca ne nikinik iro wetwet kabea eacrenan.” Na an kam wembaɲ laɲa ma nenmo tawanmbaia eacrenanapa, rambuɲa eacrena meikramtairmo, ma wiwiritiran.

¹⁸ Na aia iro kabea eacrina, na anna Karais

2:14 Ais 9.6, na Mai 5.5, na In 16.33, na Up 10.36, na 1 Ko 12.13, na Kol 1.20, na 2.14 **2:15** 2 Ko 5.17, na Gal 6.15, na Epe 4.24, na Kol 1.20-22, na 2.14, na 2.20 **2:16** Sek 9.10, na Ro 6.6, na 8.3, na Kol 1.20, na 2.14 **2:17** Ais 57.19, na Sek 9.10, na Up 2.39, na Ro 5.1 **2:18** Ro 5.2, na 1 Ko 12.13, na Epe 3.12, na Ib 4.16, na 1 Pi 3.18

mbuᅇa aia tumbun mbuniᅇa ᅇeronᅇ kabeap, na man mbuᅇa ma taup gootca aia Aet ndambuᅇa taᅇi laruna min.

Aia Iesusa ripacrena laiplacar aia Raraᅇ Aetaniacna Kac gidik

¹⁹ Na mandeaca ne tiacarpaik ᅇgocorta meikramtairᅇa kirara mba eacrenanna, wanaiᅇ, ne Raraᅇ Aetaniacna meikramtairᅇa koinda eacrenan. Na ne Raraᅇ Aetaniacna wiwitnan.

²⁰ Ainda moca ne Raraᅇ Aetaniaca morina kacna kirar. Na ma aimo up aᅇgirena ramtairapa, rambca morena ramtairmo kacna witiᅇ toc aᅇgia witiᅇrina. Na Karais Iesusa ma an kacna rikna wit.

²¹ Na an kacna gagrira Karais nambatta eacrenan, aintik mina muruᅇcamiᅇa mataua miᅇca eacrena. Ainda moca Raraᅇ Aetaniaca, ma an kaca moca taᅇrena, na an kaca ma acnaica taᅇrenan, na ma Raraᅇ Aetaniacna Kaca eacnandet.

²² Na ne toco, Karaisap miᅇca eacrena, aintik Raraᅇ Aetaniaca nenmo aᅇgica mana meikramtairap miᅇkrinan, te, ne mana kac gidik ᅇgoin ndarunandet. Te, manapa ᅇeronᅇ Ratta an kaca eacnandet.

3

Polā kabena wiwitna meikramtairmo kam wembaᅇ laᅇ wiwitina aiᅇap

2:19 Gal 6.10, na Epe 3.6, na Pil 3.20, na Ib 12.22-23 **2:20**
Mt 16.18, na 1 Ko 3.9-11, na Gal 2.9, na KIEK 21.14 **2:21** 1 Ko
3.16-17, na 2 Ko 6.16, na Epe 4.15-16, na Kol 2.19 **2:22** 1 Pi 2.5

¹ Aında moca Raraŋ Aetaniaca nenmo matau ŋgoinna morena, na aku Pol aku Karais Iesusna aiŋa morena ramoot, na aku nenmo Iudana meikramtair wanaiŋmo otacna aiŋa morenan, aintik aku kac ŋgoreaca eacrenan.

² Aında moca aku lamŋirena, ne mawaracat, Raraŋ Aetaniaca ma aukmo kadmaica, aukmo gan aiŋa mona larapacrinan, na aku morena aiŋa Raraŋ Aetaniaca nenmo toca kadmaica, ma aukmo an aiŋa mona nen ŋgotacna neaŋrinan.

³ Na Raraŋ Aetaniaca morina reikta kambca, atua ma iŋgorooca eacrenan, na ma ndo aukmo moa polorinan. Aında moca aku anna ninini emtemma tiratna.

⁴ Na ne an kamma wat te, ne gaimd ndamŋinandet. An iŋgorooca eacrena kambca, Karaisa mana aiŋa morenanna, aku matau ŋgoinna lamŋirenan.

⁵ Na atu ŋgoinna, Raraŋ Aetaniaca an iŋgorooca eacrena kambca, ma meikramtairmo raekca mba wiwitirena. Na mandeaca Ŋeron Rat mbuŋa Raraŋ Aetaniaca aimo up aŋgirena ramtairapa, rambca morena ramtairmo raekca wiwitirenan.

⁶ Na an kamma gaimd, kam wembaŋ laŋ mbuŋa ne Iudana meikramtair wanaiŋa mandeaca ne aiap mikri, na aia tik kabe malaruri. Na Raraŋ Aetaniaca aimo muruŋcamiŋa larapacrina reikca, Karais Iesusna aimo neaŋ ndoprenanna, aia muruŋcamiŋa maanŋiri.

3:1 Epe 4.1, na Pil 1.7, na 1.13, na Pm 1.1, 9 **3:2** Kol 1.25

3:3 Epe 1.9-10, na Kol 1.26 **3:4** Kol 1.26-27 **3:6** Gal 3.14, na 3.28-29, na Epe 2.13-19

⁷ Na Raraŋ Aetaniaca aukmo moca aku gan kam wembaŋ laŋa wiwitirena aiŋa morena ramoot ndarurina. Na ma aukmo kadmaica ma ndona gargara aukmo neaŋga aku gagraca gan aiŋa monandet.

⁸ Na aku Raraŋ Aetaniacna meikramtairmo pikin kaŋgauk ŋgoinna eacrenan, na ma an nake mba lamŋiri, ma aukmo kadmaica ma an aiŋa aukmo neaŋgatna. Na an aiŋa, aku Iudana meikramtair wanaiŋmo kam wembaŋ laŋmo wiwitina. Ainda moca gan kam wembaŋ laŋa ma Karaaisna reik laiŋ, laiŋta kamb ndoprenan, na aia meikramtaira anmo nduna minna wanaiŋ, na aia anmo ritrina minna wanaiŋ.

⁹ Na Raraŋ Aetaniaca ma reikmo muruŋcamiŋa kocnaia morinan. Na atua ma ndomo, mo ndopatna tipemb kirarira, ma ndona iroa tikca iŋgoroca eacrena. Ainda moca an iroa atu ŋgoinna iŋgoroca eacrenan. Na mandeac ma aukmo aiŋa neaŋga aku mana iromo wiwiti laru raekca tikca meikramtaira garacna.

¹⁰ Na atua ma anmo aŋgica iŋgoroca eacrenan. Na mandeaca ma ndona Iesusna ritipaikta meikramtairta tumbunmo, moca larurina, na an tipna kirar mbuŋa, ma titocna iroar laiŋapa landamŋiarmo moi raekca tiknandet. Te, tamuŋna auŋna mbaiŋna aiŋa morena ŋerŋgaurapa, ŋerŋgaur gargarmo, moa mina Raraŋ Aetaniacna iroara lamŋina.

3:7 Kol 1.23-25 **3:8** 1 Ko 15.9-10, na Gal 1.16, na Epe 1.7, na Kol 1.27, na 1 Ti 1.13-15 **3:9** Ro 16.25, na 1 Ko 2.7, na Epe 1.9, na Kol 1.16, na 1.20, na Ib 1.2 **3:10** Ro 8.38, na 11.33, na Epe 1.21, na 1 Pi 1.12

¹¹ Na atu ngoinna Raraŋ Aetaniaca ma an reikta aiŋa mona iroap. Na aina Kacoot Karais Iesusna aiŋ mbuŋa, ma moca korwirinan.

¹² Ainda moca aia Karaisa ripacrenan, na aia mba irik mbiraca nanambirenan. Ri, aia matau ngoinna lamŋirena, Karaisa ripacrenanna, anna ma aina Raraŋ Aetaniac ndambuŋa tanŋa larurena taup.

¹³ Aintik mandeaca aku nenmo aind mambopek, an girgira aku nenmo otacna anŋiatnanna, ne an nake kai lamŋi teac, moca nena ritipaca iriknandet. Kari ngoin. Na an reaca larurenanmo ne tonŋo, ma nenmo otaca ne Raraŋ Aetaniacap laŋ ndeacnandet.

Pola Epesusnanmo gagaraca eacna mbendeirina

¹⁴⁻¹⁵ Ainda moca aina Aetta morina reikta moca, aku an ndamŋireke, aintik aku manmo tutupniŋ rimbirena. Na ma tamuŋna auŋapa pitrikna tiacarpaikna wiwit muruŋcamiŋna Aet. Na ma ndo ngoinna, an wiwittarmo i neanŋatna.

¹⁶ Na aku gainda mbendeirena, aina Aet, ma reik laiŋ, laiŋga moca nenmo neanŋrena, aintik ma Ŋeron Rat mbuŋa nena iroar inkarmo mbukca minna tikrinan. Te, nenmo moca ne gagaraca eacnandet.

¹⁷ Na nena ritipaik puŋga Karaisa ma nena nikinik iroar teacnandet. Na kabena

3:12 In 14.6, na Ro 5.2, na Epe 2.18, na Ib 4.16 **3:13** Kol 1.24

3:14-15 Epe 1.10, na Pil 2.9-11 **3:16** Ro 9.23, na 2 Ko 4.16, na Pil 4.19, na Kol 1.11, na 1.27 **3:17** In 14.23, na Epe 2.22, na Kol 1.23, na 2.7

meikramtairmo matņirena tipemb kirarira, nena nikinik iroarmo mbuki minna tik te, ne gagraca witikca eacnandet. Na anna ma gaind, tiacarpaikca ikna iacnduk utiņa, ikca moa gagaraca witikca eacrena kirar toc.

¹⁸⁻¹⁹ Ainda moca nenapa Raraņ Aetaniacna meikramtaira muruņcamiņa gargar aņģinandet, te, Karaisna kabena meikramtaira mamatņina tipna kirarmo, ne matau ņgoinna lamņinandet, mana aniacapa, mana rocotapa, mana tamuņapa, mana pikinap. Na anna gidik, Karaisna kabena meikramtairmo matņirena tipna kirara ma landamņiarmo tamuņmbai, na ne manmo matau lamņinandet. Na reik laiņa Raraņ Aetaniacmo minna tikca eacrenan, na mina nen motoco minna tiknandet.

²⁰ Na Raraņ Aetaniacna gargara aina nikinik iroarmo aiņira morenan, ainda moca an gargara aina iroarmo tamuņmbai ņgoin. Na an reikca aia manmo mona digirenanna, an reikca mina mana ņgaņģanņgina minna wanaiņ ņgoin.

²¹ Ainda moca memetmbaca iarwara Iesusna ritipaikta meikramtairta tumbuna, Raraņ Aetaniacna i aniacmo Karais Iesusna i mbuņa aņģi ņgepca taņi iņmbaina minna tiknandet. Na anna gidik.

Aia Karais Iesusna tik toc ndeaca Raraņ Aetaniacna tipemb kirarirmo raņgairaņa

3:18-19 In 1.16, na Ro 10.3, na 10.11-12, na Epe 1.18, na 1.23, na Kol 2.2, na 2.9-10 **3:20** Ro 16.25, na 1 Ko 2.9, na Kol 1.29 **3:21** Ro 11.36, na 16.27, na Ib 13.21

4

(4—6)

Aia Iesusna ritipacna meikramtaira aia Karaisna tik toc

¹ Aku Pol, aku Kacootna aiņa morenan, aintik aku kac ngoreaca eacrenan. Na aku nenmo gagraca mambopek, Raraņ Aetaniaca nena ngacrina ataca ne manmo matau ngoinna ranğai, na ma tonğorena tipna kirara, ne wandonja tarraņ.

² Na ne kabena ritipaikta meikramtairmo, ndorita irembmo kai anğı ngep teac, ne mina kaņgauk ndeac, na minmo kaega kai mo teac, minmo laņan wetwetta mo, na mina nenmo makukca neaņ te, ne nikca kai tawi kat teac, na mina nenmo makukca neaņ te, ne kabe, kabea minmo mamatņina tip kirara moraņ, na mina nenmo neaņrina mitkarmo ne mbuk.

³ Na nikinik iro kabena eteacna tipna kirarapa, nikinik iro wetwetta eacrenan tip kirara Neron Ratta aimo neaņrina, na an tipna kirara ma nğatikna kirara aimo leaca aia wiwit kabe mamoať. Ainda moca ne gagaraca an tip kirarmo utiņ.

⁴ Na Neron Rat kabe niņgikapa, tik umbum kabe niņgikca eacrenan. Ainda moca Raraņ Aetaniaca nenmo aca ne reac kabe niņgikna lambi, na reik laiņa ma aimo monanna, ma moca minna tiknandet.

4:1 Epe 3.1, na Pil 1.27, na Kol 1.10, na 1 Te 2.12, na Pm 1.1, 9

4:2 Up 20.19, na Gal 5.22-23, na Kol 3.12-13 **4:3** Kol 3.14-15

4:4 Ro 12.5, na 1 Ko 12.4, na 12.11-12, na Epe 1.18, na 2.16-18

⁵ Na Kacoot kabe niŋgikca eacrenan, na ritipacna tip kirar kabe niŋgikapa kitac puk kabe niŋgikca eacrenan.

⁶ Na Raraŋ Aetaniac kabe niŋgikca eacrenan, na ma aina muruŋcamiŋna Aet kabe. Ainda moca ma meikramtairmo muruŋcamiŋna tamuŋmbai, na ma meikramtairmo muruŋcamiŋna rikca aiŋa morenan. Na meikramtairmo, ma muruŋcamiŋna mina inkar teacrenan.

⁷ Na Karaisa aimo kabe, kabemo reac aniac laŋ ŋgoinna wanaiŋa neaŋrinan, aintik Raraŋ Aetaniaca aimo kabe, kabemo kakadmai aniac ŋgoin neaŋrina.

⁸ Ainda moca Raraŋ Aetaniacna timbigta kapca gaidoprinan,

“Ma tamuŋ ŋgoin nagarinan,
na ma tuombnaŋgepta meikramtairap
aŋgica manap matanŋat.

Na meikramtairmo
ma reik laiŋga wanaiŋa neaŋrinan.”

⁹ Na gan kamma, “Ma tamuŋa gacatna” mana miŋiŋa gaid, ma aimo Karaisa tamuŋa gaga niŋgikca mba wandacrina. Wanaiŋ. Outta Karaisa tamuŋna auŋ ndeacri, na ma gan tiacarpaik mairikat. Na iŋmbaia ma tamuŋ mac nda gacnandet.

4:5 In 10.16, na 1 Ko 1.13, na 2 Ko 11.4, na Gal 3.27-28, na Ib 6.6

4:6 Ro 11.36, na 1 Ko 12.6 **4:7** Ro 12.3, na 12.6, na 1 Ko 12.11

4:8 Ŋap 68.18, na Kol 2.15 **4:9** In 3.13

¹⁰ Na gan ramoot, ma ngaua gan tiacarpaikca irikatnanna, ma toco ma tamuŋa gacnandet. Na ma tamuŋa riacapa guiarmo kunda tamuŋa auŋmo gacatna, te, ma reikmo moca minna tiknandet.

¹¹ Na ma ndo an reik laiŋga meikramtairmo wanaiŋa neaŋrinan, ndeidmo ma up aŋgirena ramtairta aiŋira neaŋrina, na ndeidmo rambca morena ramtairta aiŋira neaŋrina, na ndeidmo ma kam wembaŋ laŋa wiwitia auŋembca taŋna aiŋira neaŋrina, na ndeidmo ma ritipacna tumbunna ŋginaŋna aiŋa monanapa, ririptina aiŋira neaŋrina.

¹² Na Karaisa aimo Raraŋ Aetaniacna meikramtairmo, an aiŋir laiŋga ma wanaiŋa neaŋrinan, na aimo otaca aia mana aiŋmo laŋa monan. Te, Karaisna tikca ma gagaraca laŋ ndeacnande.

¹³ Na an aiŋa ma aimo moca taŋi aina ritipaikca gidik ŋgoin ndarunandet, te, aia nikinik iro kabe ŋgoinna eacnandet, na aia muruŋcamiŋa Raraŋ Aetaniacna Nuocmo matau ŋgoinna lamŋinandet. Na aina ritipaikca ma meikramtair anik toc ndaruca, aimo moi gagranandet, te, Karaisa ndo aŋgirina tipna kirar laŋa aia aŋginandet.

¹⁴ Na aia mombonik tekernoikca, mba mac eacitndai, na an wai aoca meikramtairmo matau ŋgoinna paparuna kam mbuŋa mboprena ramootna kamma, ma watapa macaitta kormo

4:10 Ib 4.14, na 9.24 **4:11** Ro 12.7, na 1 Ko 12.28, na 2 Ti 4.5

4:12 1 Ko 12.7, na Epe 1.23, na 2 Ti 3.17 **4:13** 1 Ko 14.20, na Kol 1.28, na 2.2 **4:14** Ais 28.9, na 1 Ko 14.20, na 2 Ko 2.17, na Ib 13.9

rukria taņrena kirara mba rukri taņitndai. Na kora tamtamca utia, mana tatanņa taupca wandoņa mba taņitndai. Na aia aında mba eacitndait.

¹⁵ Aında moca ainta kamb ŋgorikmo, aia ndorita kourmo kai tiki warac teac. Kari ŋgoin ndacari. Na aia kabena meikramtairmo, mamatņina tipna kirarmo ranğairan, na minmo kamb gidkar tiņgikca mbopran. Te, aia meikramtair gagarca laruca aia Karaismo matau mikna, na ma aina paņan.

¹⁶ Na aina kabe, kabena tikemb umbumbura ma moca, mina mikca aiņira morenan. Na aina tikca gagrirapa budira utiņa gagaraca eacrenan. Aında moca aina tik umbumbura ndorimo, kabe kabea ndorita aiņira morena, na an tipna kirara aina tikca ma gagaraca acnairenan, na kabena meikramtaira mamatņina tipna kirara ma ranğairena.

*Ritipacna meikramtaira Karaisna tip kirar
ņgammo ranğairan*

¹⁷ Aında moca aku nenmo kam gargar mbuņa Kacootna i mbuņa mambopek, ne an Iudana meikramtair wanaiņa ripac ŋgocorta tipemb kirarira kai ranğaica taņ teac. Mina iroara rorerina.

¹⁸ Na mina iroara ŋgorik, na mina neaup maeacreke. Na mina iroar laiņ kocor, aintik mina iroar inkara mboraca mina Raran Aetaniacna eteacna watmo raekmbaia eacrenan.

4:15 Epe 1.22, na 4.25, na Kol 1.18, na 1 Io 3.18 **4:16** Kol 2.19

4:17 Ro 1.21, na 1 Pi 1.14 **4:18** Up 26.18, na Gal 4.8, na Epe 2.12, na 1 Te 4.5

19 Na mina morena tipembta kirarira mina numbira mba morenan. Na mina an tipemb kirarir ŋgorikta inikca mbukca, mina iroar inkara ŋgepca, mina ainta tipemb ŋgadudukar ŋgorikmo, memetmbaca mona iroarap.

20-21 Na aku lamŋirena, ne Karaisna kammo ne waracrina, na mina nenmo Iesusna kam gidikca riptirinan. Na aku lamŋirena, mina nenmo an tipemb kirarir ŋgorikca, an ripac ŋgocorta meikramtaira morenan mbuŋa, mba riptirena.

22 Na ŋgaua ne toco, an nena nikinik iroar bagrar puŋga taŋrinan, na mana tipemb kirarira, paparurenan, na nikinik iro ŋgoreaca ŋgepca tip kirar ŋgoreaca monandet, na an tip kirara ndo unmo taup ŋgoreaca warkica taŋca ŋgocrairena. Aintik mandeaca ne an tipemb kirarir bagrarmo, mo kecar.

23 Na ne Raraŋ Aetaniacmo wattacarica, ma nena iroarmo moi ŋgaib tarunandet.

24 Te, ne meikramtair ŋgaib lain ndarunandet. Na meikramtaira Raraŋ Aetaniaca riocrinanna, mina meikramtair ŋgaib ndaruca mina Raraŋ Aetaniacna kirar toc ndeacnandet. Na an tipna kirar mbuŋa mina tipemb kirarira wandoik koind, na rat ŋgoin.

25 Aında moca ne paparuna tipemb kirarirmo tikcari. Na aia muruŋcamiŋa tik kabena tip kirar ndeacrenan, aintik ne muruŋcamiŋa kabena

4:19 Kol 3.5 4:22 Ro 6.6, na 8.13, na Epe 2.2-3, na 4.17, na Kol 3.9, na Ib 12.1, na 1 Pi 4.3 4:23 Ro 12.2, na Kol 3.10 4:24 RL 1.26, na Ro 6.4, na Epe 2.10, na Kol 3.10 4:25 Sek 8.16, na Ro 12.5, na Kol 3.8-9

ritipacna meikramtairmo kam gidik ningikca mboproṅ.

²⁶ Na ne nikkat te, ne ndorimo wat. Moca ne tipemb ṅgorikta makukara mo nari. Na moca nena nikkakatta eaca ra irik nari.

²⁷ Na moca ne Paparuna Ramootmo taup tik nari.

²⁸ Aında moca reik macmakimna meikramtaira, mina reikca kai makim teac, kari ṅgoin. Na mandeaca mina aiṅira moran. Aintik mina aiṅirmo ndorita par mbuṅa moran te, mina reik wit lain ṅṅinandet. Na an reik matpirina meikramtairmo, mina minmo otacna min.

²⁹ Na nena upembta kambca, kamb ṅgorik koinda kai mbop teac. Kari ṅgoin ndacari. Na ne kamb lain tingik topraṅ te, ne kabena meikramtairmo moi gaganandet. Na ainta kambca, ma Raraṅ Aetaniacna kakadmimo, meikramtaira mana kamb mbaracrenanmo anṅica taṅrena.

³⁰ Na ne Raraṅ Aetaniacna Ṇeroṅ Ratmo, kakadmimo makukca kai nean teac. Na Raraṅ Aetaniac, ma nenmo Ṇeroṅ Ratta neanrinanna, anna ne mana larapacatna meikramtair koinda wandacrena, na an ra ma nenmo mac nda anṅina kip te, ne mitkar kocor koinda wanaiṅa eacnandet.

³¹ Na ne nikinik iro ṅgoreacapa, nikkakat-

4:26 Ṇap 4.4, na Ie 1.19-20 **4:27** 2 Ko 2.10-11, na Ie 4.7, na 1 Pi 5.9 **4:28** 1 Te 4.11, na 2 Te 3.8, na 3.11-12 **4:29** Epe 5.4, na Kol 3.8, na 3.16, na 4.6, na 1 Te 5.11 **4:30** Ais 63.10, na Ro 8.23, na Epe 1.13-14, na 1 Te 5.19 **4:31** Kol 3.8, na 3.18-19, na Ta 3.2-3, na 1 Pi 2.1

apa, tipemb ηgorikmo muruηcaminηmo, mo kecar, na runduηapa, nikkatca kam aniac kerenanapa, peperena kam ηgoreac tocmo, mo kecar.

³² Aintik ne kabena ritipacna meikramtairmo, tipemb kirarir lainηa mo, na mimo iroar nikinikar wetwet lainηa mo. Na ne mina tipemb ηgorikta makukarmo, mo kecar. Na an tipna kirara Raraη Aetaniaca nena tipemb ηgorikta makukarmo Iesusna i mbuηa moca kecaririnan, ainda moca ne toco, mina tipemb ηgorikta makukarmo, mo kecar.

5

Aia memetacna memetac mbuηa taηraη

¹ Aintik Raraη Aetaniaca ma nena moca matηi ηgoi, na ne mana mombonik teacrena. Ainda moca ne an mana morena tipemb kirarirmo ranηairan.

² Aintik ne kabena meikramtairmo mamatηirena tipemb kirarirap taηraη, na an tipna kirara, Karaisa aimo matηirenan. Na ma ndona eteacna watnan neanηa aimo otacatna. Na ma Raraη Aetaniacmo ndona eteacna watta neanηrinanna, ma an gimbambara inpai tarar laηapna kirar toca neanηrinan.

³ Ainda moca meacramootna kanηtertaapna tipemb kirarir ηgorikca kai mo teac, na kaina

4:32 Mt 6.14, na 18.22-35, na Mk 11.25, na 2 Ko 2.10, na Kol 3.13

5:1 Mt 5.48, na Lk 6.36 **5:2** NA 29.18, na TN 1.9, na ηap 40.6, na In 13.34, na Ro 14.15, na 2 Ko 2.15, na Gal 2.20, na Ib 7.27, na 10.10, na 1 Io 3.11, na 3.23 **5:3** Ro 6.13, na 1 Ko 5.1, na 2 Ko 12.21, na Kol 3.5, na 1 Te 4.3

tipemb ngadudukar ngorikmo, muruŋcamina kai mo teac, na reik lain, lainga anŋica witta mona iromo kai anŋi teac. Na an reikta kamna tip emtemma nena rikca kai laru teac. Na aia Raraŋ Aetaniacna meikramtaira ainta kambta kirarira ndopna minna wanaiŋ.

⁴ Na ne kamb ngadudukapa, najaona kambapa, taŋbugainna kamb ngorikca kai mbop teac. Na ainta tipna kirara aia mona minna wanaiŋ. Na aia Raraŋ Aetaniacmo kam laŋ near te, anna laŋ.

⁵ Na ne gaima matau lamŋirena, meacramootna kaŋtertaapna tipemb kirarirapa, kaina tipemb ngadudukar ngorikcapa, reik lain, lainga anŋica witta mona iroarmo kai anŋi teac, ainta meikramtairta tipemb kirarira anna mina mirpembraraŋta dawara mbendeirena kirar, na ainta meikramtaira mina Karaisapa Raraŋ Aetaniacna bubuoca mba mbukitndai.

⁶ Na ne ndoritake, matau wat, moca ne paparuna meikramtairta kamb kamndera ranŋaica, anna ndo nenmo wiŋa, ne an tipemb kirarir ngorikca ranŋai nari. Na ainta tipembta kirarir koindta moca, Raraŋ Aetaniaca ndona kambmo nda mboprena meikramtairmo nikkatrena.

⁷ Aina moca ne ainta meikramtairmo kai pitkumi taŋ teac.

⁸ Na ne ngaua neaupna inik ndeacrina, na

5:4 Mt 12.35, na Ro 1.28, na Epe 4.29 **5:5** 1 Ko 6.9-10, na Gal 5.19-21, na Kol 3.5 **5:6** Ro 1.18, na Kol 2.4, na 2.8, na 2 Te 2.3

5:8 In 12.36, na Up 26.18, na Ro 1.21, na 2 Ko 3.18, na Epe 2.11-13, na Kol 1.13, na 1 Pi 2.9, na 1 Io 2.9

mandeaca Kacootta nenmo memetaca tikrinan. Aintik nena tipembta kirarira an memetaca eacrina meikramtairta kirar toc ndeacraŋ.

⁹ Na memetaca ma reik lainŋta tipemb kirarirapa, tipemb kirarir wandoikapa, kamb gidkara mbopi laruna reac laŋ.

¹⁰ Aında moca ne towaica Kacootta tongorena landamŋina tipemb kirarirmo ne aŋgi.

¹¹ Na ne kai neupa ranŋaica tipemb ŋgorikca morena meikramtairap kai pitkumi taŋ teac. Ainta tipna kirara ma gagam laŋa mba mo larurenan. Wanaiŋ. Na ne ainta tipna kirara meikramtairmo gainda wandac, anna laŋa wanaiŋ.

¹² Na an tipemb kirarira mina iŋgorooca morenanna, aku mba mac mbopi laruitndai. Wanaiŋ. Na aku an reikta kamb ndondopca numbira morenan.

¹³ Na memetaca ma iŋgorooca eacrena tipemb kirarirmo, moi laruca mina muruŋa raekca waekekeca eacnandet.

¹⁴ Na an minna memetaca reac ianna moca raek waekekeca laru te, an reac toco, ma memetac toc ndarurenan. Aında moca kam tip ianna eacrenan, na ma aindoprina,

“U mandaia mandeaca ŋgorenanna,
u ŋgepnandet.

Te, u muk ndiŋ mac nda ŋgepnandet.

Na Karaisa unmo memetaca neaŋnandet.”

5:9 Gal 5.22 **5:10** Ro 12.2, na Pil 1.10, na 1 Te 5.21, na 1 Ti 2.3

5:11 Ro 6.21, na 1 Ko 5.9-11, na Gal 6.8, na 2 Te 3.6, na 3.14, na 2 Io 1.10-11 **5:13** In 3.20-21, na Ib 4.13 **5:14** Ais 26.19, na 60.1, na Ro 13.11

15 Aında moca ne ndorita tipemb kirarirta moca matau wat. Na ne ramootta landamņi kocorta kirara kai taņ teac, wanaiņ. Ne an ramootta landamņiap taņrena ramootna kirar toca taņraņ.

16 Na mandeaca ne Raraņ Aetaniacna tipna kirara mona ņgaņgaņņgiap. Na mandeacna minna aia eacrenanna, anna kidrik ņgoreac, aintik ne ndoritake, matau wat, na ne reik laiņga morañ, moca an kidrikca wanaiņa taņ nari.

17 Na ne ņaņaona tipemb kirarira kai mo teac. Wanaiņ. Ne Kacootna toņtoņna tipna kirarmo, ne matau lamņiraņ.

18 Na ne wain pukca kai amca rore teac. Ainta tipna kirara nenmo mo ņgocrairenan. Na ne Raraņ Aetaniacna ņeroņmo watcarica, ma nenmo mbuki minna tik.

19 Na an minna ne Raraņ Aetaniacna meikramtairap kamb ndop te, ne an ņaparta timbigta kapca eacrena ņaparmo umb, na Raraņ Aetaniacna i aņņi ņgeprena ņapar motocmo umb, na ņeroņ Ratta nena nikinik iroara tikrina ņaparmo umb. Na ne an ņaparmo ndorita upapa, nikinik iroar puņga Kacootmo umb.

20 Na memetmbaca ne reik muruņna moca, ne aina Kacoot Iesus Karaisna i mbuņa, ne Raraņ Aetaniac Aetmo kam laņa neaņraņ.

Meikramtair laņtaņgoarta kambca Pola an

5:16 Gal 6.10, na Kol 4.5 **5:17** Ro 12.2, na Kol 1.9, na 1 Te 4.3, na 5.18 **5:18** ML 20.1, na Ais 5.11, na 5.22, na Lk 21.34 **5:19** ņap 33.2-3, na Up 16.25, na 1 Ko 14.26 **5:19** Kol 3.16-17 **5:20** ņap 34.1, na Ais 63.7, na Ib 13.15, na 1 Pi 2.5

ndoprinan

²¹ Na ne meacramoot kabe, kabea Karaismo toriran, na ne Raran Aetaniacna meikramtairmo kabe, kabena kanjaukca eacran.

²² Na ne meikpitikca, ne ndorita kanjerta kanjaukca eacran, an tipna kirara ne Kacootna kanjaukca eacrenan.

²³ Na anna gaind, ramootta ma ndona meacmo pañanmbai ndeacrena, na an kirara Karaisa ma Iesusna ritipaikta meikramtairta tumnambta pañanmbai ndeacrena. Na Iesusna ritipaikta meikramtairta tumnambca mina Karaisna tik, na Karaisa manmo mac nda anjirinan.

²⁴ Na Iesusna ritipaikta meikramtairta tumnambca Karaisna kanjaukca eacrenan. Aintik ne meikpitik toco, ne memetmbaca ne ndorita kanjerta kanjaukca eacran.

²⁵ Na ne ramtair, ne ndorita meikmo mataui matjiran, na an tipna kirara Karaisa Iesusna ritipaikta meikramtairta tumnambmo matjirena, ma ndona eteacna wat neanga Iesusna ritipaikta meikramtairta tumnambmo otacatna.

²⁶ Aintik ma pukapa, mana kamb punga, ma Iesusna ritipaikta meikramtairta tumnambmo ruca, ma minmo moca mina Raran Aetaniacna lamniacmo rat ndarurinan. Na an tipna kirar mbuñja Karaisa Iesusna ritipaikta meikramtairta

5:21 Pil 2.3, na 1 Pi 5.5 **5:22** RL 3.16, na Epe 6.5, na Kol 3.18, na 1 Pi 3.1 **5:23** 1 Ko 11.3, na Epe 1.22-23, na Kol 1.18 **5:25** Gal 1.4, na Kol 3.19, na 1 Pi 3.7 **5:26** In 15.3, na 17.17, na Ta 3.5, na Ib 10.10, na 10.22, na 1 Io 5.6

tumnambmo moca, mina manan ngoin ndaruri-
nan.

²⁷ Na ma an Iesusna ritipaikta meikramtairta tumnambmo, moa mina mana lamniacmo taror laŋ ngoin ndaruna mori, te, an Iesusna ritipaikta meikramtairta tumnambmo, mina patinapa, rirapa ainta reik kocor. Wanaiŋ. Na an Iesusna ritipaikta meikramtairta tumnambca, mina ratarapa makukar kocor ndeacraŋna.

²⁸ Ainda moca an tipna kirar mbuŋa, ne ramtair, ne ndorita meikmo matau matŋiraŋ, na an tipna kirar motocmo ne ndorita tikembmo matŋirena. Na ramootta ma ndona meacmo mataua matŋirenanna, ma ndo ngoinmo ma matŋirenan.

²⁹ Na aia lamŋirena, ramoot ianna ma ndona tikmo puŋnaŋgepca mba morenan. Wanaiŋ. Ma manmo amna reaca neaŋrenanna, na ma manmo matau raupŋirenan, na an tipna kirara Karaisa Iesusna ritipaikta meikramtairta tumnambmo ainda morenan,

³⁰ na an tipna kirara aia Karaisna tikna umbumburta kirar toc.

³¹ Na Raraŋ Aetaniacna timbigta kapca gaindoprena, “Ainda moca ramootta ma ndona aemaetmo tikcarica ndona meacap mikrenan, na maniŋa tik kabe ndarurena.”

³² Na an kam roora, ma ndona iro aniacap. Na aku ndo mbuŋa, Karaisapa mana Iesusna ritipaikta meikramtairta tumnambta, kam ndo-

5:27 2 Ko 11.2, na Epe 1.4, na Kol 1.22 **5:30** Ro 12.5, na 1 Ko 6.15, na 12.27, na Epe 1.22-23 **5:31** RL 2.24, na Mt 19.5, na Mk 10.7-8, na 1 Ko 6.16 **5:32** Kol 3.19, na 1 Pi 3.6, na KIEK 19.7

prena.

³³ Na an kamma aku mboprenanna, anna ramoot kabe, kabemo aindoprenan, ne ndorita meikmo matau ngoinna matņiraņ, na an tipna kirara ne ndorimo matņirena kirar. Ainda moca meikpitikca mina ndorita kaņtermo toriraņ.

6

Pola mombonikapa aemeraeterta kamb ndoprina

¹ Na ne mombonikca, ne ndorita aemaetna kambca raņgairaņ. Na ne muruņa Kacootmo mikca eacrenan, na an tipna kirara anna tip wandoņa, ne anna raņgaia morenan.

² Na Raraņ Aetaniacna timbigta kapca aindoprina, “U ndona aemaetna kaņgaukca eaca mina kamb mbaraca raņgairaņ.” Na anna Mosesna outna tipca, ma bababuna kammapp eacrenan.

³ Na an baburina kamma ma gaındoprina, “U ainda mo te, an aiņira u muruņa morenanna, mina laiņa larunandet. Te, u gan tiacarpaikmo kidrik, rocotta eacnandet.”

⁴ Aintik ne aetera, ne ndorita mombonikta nikinik iroarmo kai mo ngocrai teac, na minmo moa mina nenmo nikkat nari. Na ne Kacootna lamniac ngoutmo ne tipemb kirarir laiņa matau mo te, nena mombonikmo mataui wandoņairaņ. Na minmo Kacootna kambmo ripti neaņraņ.

6:1 ML 23.22, na Kol 3.20 **6:2** Mt 15.4 **6:2** NA 20.12, na TW 5.16 **6:4** TW 4.9, na 6.7, na 6.20-25, na Ņap 78.4, na ML 19.18, na 22.6, na Kol 3.21

Pola tuombta aiñir kamndera morena ramtairapa mina ramtair pañaindta kamb toprina

⁵ Na ne tuombta aiñir kamndera morena meikramtair, ne ndorita gan tiacarpaikna ramtair pañaindta kañgaukca eacrañ. Na ne minmo rugutta morañ, moca ne mina lamnik ñgoutta, tipemb kirarir wandoik lainga mba moitndaiit. Na memetmbaca ne iroara moa gargara ne aiñ lainj ñiñgikca morañ. Na an tipna kirar kabe mbuñ, ne Karaisna aiña morenan.

⁶ Na moca ne mina wai aocna landamñiap, na mina nenap rambuña eac te, ne minmo aiñir lainga morañna. Wanaiñ. Na ne gaimd ndamñirañ, ne Karaisna tuombta aiñir kamnderta aiña morena meikramtaira eacrenan. Te, nena iroar inkara Rarañ Aetaniaca rañgaina toñtoñap.

⁷ Aında moca ne iroar lainj añgıca aiñira morañ. Na ne ramootna aiña mba morenanna. Wanaiñ. Ne Kacootna aiñ ñgoinna morenan.

⁸ Na ne lamñirena, ramoot ianna ma aiñmo mataui laña mo te, Kacootta manmo opoik laña neañnandet. Na anna ma titocna ramoot, ma tuomna aiñ kamaindna aiña morena ramoot, co, ma tuomna aiñ kamaindna aiña mo ñgocorta ramoot.

⁹ Na ne ramtair pañaind, ne toco tuombta aiñir kamndera morena ramtairmo, tipemb kirarir lainga morañ. Na ne minmo moa nanambia

6:5 2 Ko 7.15, na Pil 2.12, na Ta 2.9-10, na 1 Pi 2.18 **6:5** Kol 3.22-25 **6:8** 2 Ko 5.10, na Gal 3.28, na Kol 3.11 **6:9** TW 10.17, na Ro 2.11, na Kol 3.25, na 4.1

rugut morena tipemb kirarirmo minmo kai mo teac. Na Kacootta ma tamuŋna auŋ ndeacrenan. Ma nena Kacootapa minan toc, na ma meikramtairta tipemb kirarirmo ma iro kabe mbuŋa ritri waparaca morenan.

Iesusa ripacrena laiplacara lapoca ruŋrena ramtair toc ndeacna

¹⁰ Aında moca mandeaca aku ndona kambmo gainda mamaina mamoeek, na ne Kacootmo mamikri. Aintik ne mana gargar aniacna ndamŋiraŋ te, ne gagaraca witiknande.

¹¹ Na Raraŋ Aetaniaca nenmo neaŋrina runduikta lamboirmo muruŋa aoc te, ne gagara witikca Paparuna Ramootna paparuna tipemb kirarir muruŋmo, ma iŋgoroca ma morenanmo ne ndanandet.

¹² Na ne matau lamŋi. Aia meikramtairap mba ruŋrenan. Wanaiŋ. Aia gan tiacarpaikna ŋerŋgaur ŋgorikca gargarapnana, gan tiacarpaikna bubuocrena ŋerŋgaurapa, kainta reik ŋgorikca gargarapnanna, aia minmo gan neaupdirin aniacna tikca ruŋrenan. Na an riac tamuŋna ŋerŋgaur ŋgorikcap tocmo ruŋrenan.

¹³ Aında moca ne an Raraŋ Aetaniaca nenmo neaŋrena runduikta lamboirmo muruŋa aŋŋi aoc, na kidrik ŋgoreacna minna, ne gagara witikca ruŋnandet. Na runduŋa mai te, ne gagaraca witikca eacraŋnandet.

6:10 1 Ko 16.13, na Epe 1.19, na 3.16, na Kol 1.11 **6:11** Ro 13.12, na 2 Ko 6.7, na 10.4, na Epe 4.14, na 1 Te 5.8 **6:12** In 12.31, na 14.30, na Ro 8.38, na 1 Ko 15.50, na Kol 2.15, na 1 Pi 5.8-9 **6:13** 2 Ko 10.4, na Epe 5.16

14 Na ne witik gagarana mo te, ne kam gidikmo weaond tocmo ndorita rihtacniņa leac, na tip kirar wandonj lajmo nena rugut paņanna wawarana reac toc aoca leac.

15 Na ne Raraņ Aetaniacna kam wembaņ lajmo wiwitina kocro, ma meikramtairmo nikinik iro wetwet kabeap morenan, na an tipemb kirarirmo ne ndorita our ņgapoik toca moca aoc.

16 Na ne an runduikta reikmo muruņa aņģi, na ritipacna tip kirar motocmo ne aņģi, te, Ramoot Ngoreaca nenmo tacapna ondaik puņga riņ te, ne an mbuņa ram aoca utiņ gagraca ndorimo wawarana reacna mona.

17 Na ne Raraņ Aetaniacmo gaind ndamņi, ma nenmo mac nda aņģirinan, na an landamņia nena paņanna wawarana reac toc. Te, ne ņeronj Ratna bugrimmo utiņ, anna ma Raraņ Aetaniacna kam.

18 Na ņeronj Ratna gargar mbuņa ne memetmbaca mbendeiraņ. Na ne gagraca kaina mbendeia morañ te, ne Raraņ Aetaniacmo opotacna digiraņ. Na memetmbaca ne ndorita moca matau watraņ, te, ne an tipna kirara mba tikcariitndai. Na ne wikca kai aņģi teac. Na memetmbaca ne mbendeiraņ, na Raraņ Aetaniacmo digica, ma ndona meikramtairmo otacna.

19 Na ne Raraņ Aetaniacmo digica ma auk motocmo otacna. Na aku tonjgorenanna, ne gainda

6:14 Ais 11.5, na 59.17, na 2 Ko 6.7, na 1 Te 5.8 **6:15** Ais 40.9, na 52.7, na Nau 1.15, na Ro 10.15 **6:16** 1 Io 5.4 **6:17** Ais 49.2, na 59.17, na 1 Te 5.8, na Ib 4.12, na KIEK 19.15 **6:18** Mt 26.41, na Lk 18.1, na Ro 12.12, na Kol 4.2, na 1 Te 5.17, na 1 Ti 2.1
6:19 Up 4.29, na 2 Ko 3.12, na Kol 4.3-4, na 2 Te 3.1

mbendei, te, Raraŋ Aetaniac aukna upmo kam tikna. Te, aku ndona namnaimbca mo iriknan, na iŋgoroca eacrena kam wembaŋ laŋmo aku gidikca wiwiti larunandet.

²⁰ Na Raraŋ Aetaniac, ma ndo aukmo mbagirica taŋga, aku gan kam wembaŋ laŋmo wiwitirenan. Na anna miniŋna moca aku kac ŋgoreac ndeacrena. Na Raraŋ Aetaniaca ma aukmo kam wembaŋ laŋmo wiwitina aiŋa neaŋrinan, aida moca ne Raraŋ Aetaniacmo mbendeia ma aukmo mo gagraŋan. Te, aku ndona namnaimbca mo irikca meikramtairmo gagraŋa wiwitina.

Pola Raraŋ Aetaniacmo digica ma minmo laŋa mona

²¹ Aida moca Tikikusa ma nenmo auk morena aiŋna kammo, nemo mbopi waracnandet. Na Tikikusa ma aina Iesusa ripacrena laiplacarta ramoot ian ŋgoin, na ma Kacootna aiŋa mona ramoot laŋ.

²² Na aku manmo mandaca ma kip te, ne lamŋinandet, aia titoc ndeacrenan. Te, ma nena iroar inkara moi gagraŋa.

²³ Aida moca Raraŋ Aetaniacapa Kacoot Iesus Karaisa, ne Iesusa ripacrena laiplacar muruŋmo nena iroar inkara moi wewettaca laŋ ndeacnandet. Te, ma nenmo moca ne gagraŋa ripacnan, na kabena meikramtairmo matŋina.

²⁴ Te, Raraŋ Aetaniaca ma an kakadmaina tipna kirara, meikramtaira muruŋcamiŋa

aina Kacoot Iesus Karaismo matjirenanmo,
memetmbaca manmo matjirañnandet. Te,
Rarañ Aetaniaca ma nenmo muruñcamiña
ndona kakadmaica neañnandet.

**Raraŋ Aetaniacna Kam Wemban Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 18 Apr 2025 from source files dated 29 Jan 2022

8e1073ed-d2dc-5f3a-bb48-5406185123a7